

თავი 5.

ენის, მეტყველებისა და კომუნიკაციის პრობლემების მეორე ბავშვის დახმარების სტრატეგიები



ენის, მეტყველებისა და კომუნიკაციის განვითარებისთვის არ არსებობს ერთი კონკრეტული რეკომენდაცია, რომელიც ყველა მშობელს გამოადგება; ამის მიზეზი ისაა, რომ ყველა ბავშვი ინდივიდუალურია, განსხვავებული ძლიერი და სუსტი მხარეებით.

როგორ უნდა იმუშაოს მშობელმა ბავშვთან სახლის პირობებში? პირველ რიგში, აუცილებელია იმის გათვალისწინება, რომ სამუშაო პროცესს უნდა ჰქონდეს თამაშის და არა მეცადინეობის სახე. უმნიშვნელოვანესია, ბავშვი

სიამოვნებას იღებდეს სწავლებისაგან. მშობლისა და ბავშვის ძალისხმევა მხოლოდ ამგვარად იქნება ეფექტური. **და, როგორ უნდა ასწავლოს მშობელმა ბავშვს თამაშით?** ქვემოთ მოცემულია ზოგადი რჩევები, რაც მშობელს მუშაობაში დაეხმარება.

რჩევები სკოლამდელი ასაკის ბავშვების მშობლებისთვის

- 😊 **გახსოვდეთ, ენისა და მეტყველების განვითარებაზე მუშაობისთვის ყოველთვის არ გჭირდებათ სკაში და მაგიდა.** სხვადასხვა სტრატეგიები შეგიძლიათ გამოიყენოთ ქუჩაში თუ პარკში სეირნობის დროსაც.
- 😊 **უცადეთ, მიიყვროთ ბავშვის ყურადღება.** დაჯექით მასთან ახლოს, მოკიდეთ ხელი (თუ არ აპროტესტებს), ჩახედეთ თვალებში და ამგვარად უთხარით სათქმელი. მაგალითად, "შეხედე, ნვიშს!"
- 😊 **უცადეთ, გაითვალისწინოთ ბავშვის ინტერესები** და ესაუბროთ იმაზე, რასაც უყურებს ან რაც იცით, რომ აინტერესებს. მაგალითად, ხელში უჭირავს ბურთი. თქვენ მიდიხართ და ეუბნებით: "ეს რა არის?" - დაელოდეთ პასუხს. თუ არ გასაუხობთ, თავად აგრძელებთ: "ბურთი! ეს ბურთი ლურჯია? კი, ლურჯია!"; მნიშვნელოვანია, სათამაშოებიც ბავშვის ინტერესის გათვალისწინებით შეირჩეს
- 😊 **ესაუბრეთ ყველაფერზე,** რაც ირგვლივ ხდება. გაახმოვანეთ თქვენი და ბავშვის ქმედებები. მაგალითად: "სად არის კოვჩი? აი, კოვჩი. მოვეუროთ ჩაისს. აბა გავსინჯოთ! რა გემრიელია!"; ამასთან, გაახმოვანეთ მისი სურვილები: "რა გინდა? მანქანა?" თუ ბავშვი თავისი ინიციატივით არ გასაუხობთ ან არ იმეორებს, **არ დააძალოთ!**
- 😊 **არ უსწორებთ ბავშვს შეცდომას!** თუ არასწორად ამბობს სიტყვას, მშვიდად ანოდეტო სიტყვის სწორ ფორმას. მაგალითად, თუ ბავშვი ამბობს: "ბებე მოდაა"; ჩაეკითხეთ "ბებია მოვიდა?"

რჩევები სასკოლო ასაკის ბავშვებისა და სკოლის მოსწავლეების მშობლებისათვის:

- ☑ ყოველთვის დაინყეთ მარტივი დავალებებით და ნელ-ნელა გაართულეთ. მნიშვნელოვანია, რომ დავალების შესრულება ძალიან რთული არ იყოს
- ☑ იქონიეთ რელისტური მოლოდინები - ბავშვისგან არ მოითხოვოთ იმაზე მეტი, ვიდრე შეუძლია
- ☑ დარწმუნდით, რომ ბავშვმა თქვენი ნათქვამი ნამდვილად გაიგო - ხშირად მშობლები უწყრებიან ბავშვებს, რადგან მათ მითითებებს არ ასრულებენ, თუმცა ხშირად ამის მიზეზი ისაა, რომ ბავშვს არ ესმის ინსტრუქცია
- ☑ არ გადატვირთოთ ბავშვი - თუ ვერ ასრულებს დავალებას ეცადეთ გაუმარტივოთ სავარჯიშო. თუ მაინც უჭირს შესრულება, გადადით სხვა დავალებაზე
- ☑ ისეთი აქტივობების შემდეგ, რომელთა შესასრულებლადაც ბავშვს დიდი ძალისხმევა დასჭირდა, ჩართეთ სახალისო აქტივობები (რათა თავიდან აიცილოთ გადაღლა და განმავითარებელი საგარჯიშოებისადმი უარყოფითი განწყობის ჩამოყალიბება)

ემოციური მხარდაჭერის სტრატეგიები

- ☼ ესაუბრეთ ნაკლებად მომთხოვნი ტონით
- ☼ შეაქვთ მისი ყოველი წარმატება
- ☼ მოერიდეთ შემფასებლურ დამოკიდებულებას
- ☼ იმ შემთხვევაში, თუ შეცდომას უშვებს, არ უთხრათ: "შეცდომაა!", "ისევ არ გამოგდის" და მსგავსი ფრაზები. ეცადეთ, გაუღვივოთ ინტერესი. მაგალითად, ასე: "არ გამოვიდა? მოდი, ერთად ვიფიქროთ, რა შეიძლება გავაკეთოთ?"
- ☼ გახსოვდეთ, რომ ბავშვთან უნარების გაუმჯობესებაზე მუშაობა აუცილებელია; თუმცა ასევე მნიშვნელოვანია, ბავშვს ჰქონდეს დრო მისი საყვარელი საქმიანობებისთვის. სამეცადინო აქტივობებით გადატვირთვამ შეიძლება უკუეფექტი გამოიწვიოს და ბავშვმა გული აიცილოს სწავლების პროცესზე

მუშაობის პროცესში დისციპლინის შენარჩუნების სტრატეგიები

- ❖ გახსოვდეთ, თამაში არ გულისხმობს დისციპლინისა და წესების არარსებობას
- ❖ ბავშვთან მუშაობისთვის გამოყავით კონკრეტული დრო (მაგალითად, კვირაში 3ჯერ, 16.00-იდან 16.30-მდე). შეათანხმეთ ბავშვთან არჩეული საათები
- ❖ მნიშვნელოვანია, რომ ბავშვის წინ არ იდოს ბევრი სათამაშო
- ❖ მიეცით მას არჩევანი - რომელი სათამაშოთი დაინწყებს თამაშს? მას შემდეგ, რაც გადაწყვეტილებას მიიღებს, დანარჩენი ობიექტები შეინახეთ კარადაში
- ❖ ეცადეთ, დაასრულოთ დაწყებული ატივობა (გარდა იმ შემთხვევებისა, როცა ამკარაა, რომ შერჩეული საქმიანობა შედმეტად რთულია ბავშვისათვის)

5.1. კონკრეტული აქტივობები ეფსპრესიული ენის სტიმულირებისთვის

ქვემოთ განხილული აქტივობები დაყოფილია მარტივ (სკოლამდელი ასაკისთვის განკუთვნილი), საშუალო სირთულის (სასკოლო ასაკის ბავშვებისა და უმცროს-კლასელთათვის) და შედარებით რთულ სავარჯიშოებად (7წელი და ზემოთ).

მარტივი აქტივობები



1. წიგნების თვალიერება - აქტიურად დაათვალიერეთ ბავშვთან ერთად ნახატებიანი წიგნები და გაახმოვანეთ (თუ ნახატების თვალიერება არ მოსწონს, შეიძლება ხმოვანი წიგნებით დააინტერესოთ). იმის მიხედვით, თუ რა ეტაპზეა ბავშვის ენის განვითარება, თვალიერების დროს აქცენტი სხვადასხვა რამეზე კეთდება:

თუ ბავშვს ჯერ არ დაუწყია მეტყველება - აქცენტი გააკეთეთ არსებითი სახელების სწავლებაზე: “ეს რა არის?”; შემდეგ ეტაპზე, სასურველია მოქმედებების შესახებ შეკითხვების დასმა და გახმოვანება - “რას აკეთებს?”.

თუ უკვე მეტყველებს, მაგრამ ლექსიკური მარაგი მწირია, დასვით შემდეგი შეკითხვები: “ნახე, ბურთი! რა ფერია ბურთი? დიდია თუ პატარა?”; “ეს გოგო გახარებულია თუ მოწყენილი?”.

გამოიყენეთ ისეთი სიტყვები, როგორიცაა: “ზემოთ-ქვემოთ-შიგნით, გარეთ; მეტი-ნაკლები; დიდი-პატარა; ყველა-ზოგიერთი” და ა.შ.

შენიშვნა: შეკითხვის დასმის შემდეგ, ელოდებით ბავშვის პასუხს. თუ არ გაპასუხობთ, შემდეგ თავად ახმოვანებთ.



2. ბუშტებით თამაში - რიგრიგობით გაუშვით და გახეთქეთ საპნის ბუშტები. თან გაახმოვანეთ: “ზახ! ბუხ! ფაფუ!”. ასევე: “ვინ გახეთქა ბუშტი? მე! ახლა ვინ გახეთქა? შენ?”.



3. მზარეულობა - სთხოვეთ ბავშვს, დაგეხმაროთ საჭმლის მომზადებაში. ამ პროცესში, ახმოვანებთ საკუთარ და ბავშვის ქმედებებს. თუ ბავშვი მეტყველებს, მასაც სთხოვეთ, გითხრათ, რა გააკეთა.



4. პლასტელინით თამაში და ხატვა დაეხმარეთ ბავშვს, გამოძერწოს, დახატოს და დაასახელოს სხვადასხვა ობიექტები. სხეულის ნაწილების სწავლების ერთ-ერთი გზაა, ბავშვთან ერთად გამოძერწოთ ან დახატოთ კაცუნა: “მოდი, ჯერ თავი გავაკეთოთ. კიდეც რა სჭირდება? თვალები...”.



5. განძის პოვნა - დამალეთ სხვადასხვა სათამაშო ბავშვის ოთახში და სთხოვეთ, ერთად მოძებნოთ “განძი”. როდესაც “საგანძურს” შეაგროვებთ, ორივემ ცალ-ცალკე დაასახელოთ, რა იპოვეთ.

საშუალო და მაღალი სირთულის აქტივობები



1. სიუჟეტური სურათების მიხედვით თხრობა. ერთ გვერდზე ამობეჭდეთ სიუჟეტური სურათები და ბავშვთან ერთად დაჭერით. ამის შემდეგ, დაალაგეთ ისინი არეული თანმიმდევრობით და უთხარით ბავშვს: “ნახე! ეს სურათები არეულია. ახლა მას ისე დავალაგებ, რომ გამოვიდეს ამბავი (დაალაგეთ სწორად!): “ე.ი გოგონამ აიღო კბილის ჯაგრისი. შემდეგ, ჯაგრისს წაუსვა პასტა და კბილები გაიწმინდა”. ამის შემდეგ, ბავშვს მიეცით სხვა სიუჟეტური სურათები, სთხოვეთ დაალაგოს და ამბავი აღგიწეროთ. თუ ბავშვი დამოუკიდებლად ვერ ალაგებს, ეხმარებით და უყვებით ამბავს; ამის შემდეგ კი, უსვამთ მიმანიშნებელ შეკითხვებს (მაგალითად, “აქ რას აკეთებს გოგო? რა უჭირავს ხელში? რატომ?”) და თავად ყვება.

 ყურადღება გაამახვილეთ:

1. ემოციებზე - “ბიჭი გაბრაზებულია? რატომ?”.
2. წინადადების სტრუქტურაზე - მაგალითად, ბავშვი ამბობს: “ბიჭმა გაიქცა”; თქვენ აკონკრეტებთ - “ბიჭი გაიქცა?”.
3. ანტონიმებზე, სივრცით მანიშნებლებზე და სხვ. (“ამ სურათში დღეა, აქ? “; “ეს ჩანგალი მაგიდაზე დევს და კოვზი?).

დაიწყეთ მარტივი, 2-3 სიუჟეტური სურათებით, ნელ-ნელა კი გაართულეთ და გაზარდეთ რაოდენობა.



2. სიტყვობანა - ვინ იცის უფრო მეტი ცხოველი, ფრინველი ან საკრავი ინსტრუმენტი? რომელი უფრო მეტს გაიხსენებს?

3. რითი ჰგავს ერთმანეთს? - ბავშვს

დაუწერეთ ან აჩვენეთ სხვადასხვა ობიექტების სურათები და სთხო-

ვეთ, გითხრათ, რა აქვთ ამ ობიექტებს საერთო. მაგალითად:



 ვაშლი, მსხალი, ფორთოხალი (**ხილია**);

 კაბა, ქურთუკი, მაისური (**ტანსაცმელია**).



4. გამოცანები - “ვინ ვარ მე?”

✓ ჭიქის ნაწილი ვარ და შეგიძლია ხელში დამიჭირო, ვინ ვარ? (**სახელური**);

✓ სკოლაში წიგნებს ჩემი საშუალებით ატარებ. ვინ ვარ? (**ჩანთა**).

✓ როცა ვრეკავ, შენ პასუხობ. ვინ ვარ? (**ტელეფონი**).

5. წინადადების დალაგება

მიეცით ბარათი, სადაც სიტყვები არეული თანმიმდევრობით წერია და უნდა დაალაგოს:

ადრე	დღილით	ავდევნი
სკოლაში	მეჩუარებოდა	რადგან

6. არასიტყვების ამოცნობა - სთხოვეთ ბავშვს, ხაზი გაუსვას უშინაარსო სიტყვას და დაწეროს მისი სწორი ვარიანტი:

მომიტანე თურბი (**ბურთი**)

აცვიდა. უკვე ზამთაირა (**ზამთარია**)

7. სიტყვების გამოყენებით წინადადებების შედგენა - სთხოვეთ ბავშვს, შეადგინოს წინადადებები ქვემოთ ჩამოთვლილი სიტყვებისგან:

წვიმა, დღე, მთა


ბილეთი, მოგზაურობა, იტალია

8. სთხოვეთ ბავშვს, დაასრულოს წინადადება:

ცაზე ანათებს...

მე წყალს ვსვამ, შენ წყალს...

5.2. აქტივობები რეკომენდებული ენის ბასპოვითარებად



1. ნახტანი წიგნების თვალიერება - სთხოვეთ ბავშვს, თითოთ გიჩვენოთ სხვადასხვა ობიექტები. მაგალითად: “მიჩვენე, სად არის წიწილა?”; ან, “ვინ ჭამს საჭმელს?”

2. რომელი არ არის? მიეცით ბავშვს ორი ობიექტი და ჰკითხეთ: “რომელი არ არის ჭიქა?”

გ თ ხ ო ვ!

3. მითითებების შესრულება - მიეცით მარტივი მითითებები. მაგალითად: “გთხოვ, მომაწოდე ჭიქა”; შემდეგ, ნელ-ნელა ართულებთ - “მომაწოდე კოვზი, რომელიც ჭიქაში დევს”; ან “ჩადე ჭიქაში კოვზი”.

თანმიმდევრობის გაგება რომ გაუადვილდეს, მიეცით ბავშვს შემდეგი ტიპის მითითებები: “ჯერ მომიტანე ჭიქა და შემდეგ წყალი”.

რა არის?

4. ახალი სიტყვების მნიშვნელობების ახსნა აუხსენით ბავშვს მისთვის უცხო სიტყვების მნიშვნელობა. მაგალითად, სიტყვა “სველი”. დაასხით წყალი სხვადასხვა საგნებს და უთხარით: “ახლა ეს სველია”. აბაზანაში ყოფნის ან წვიმის დროს, კვლავ ახსენეთ ეს სიტყვა.

5. ინსტრუქციების შესრულება ნახატების გამოყენებით - ამოხეყდეთ ობიექტები, რომელთა აღწერასაც შეძლებთ; სთხოვეთ ბავშვს, იპოვოს თქვენ მიერ აღწერილი ობიექტი. მაგ. “იპოვე ჩიტი, რომელსაც ახურავს ქუდი ლურჯი და მწვანე ფერებით”.



6. **თამაშების გამრავალფეროვნება** - აუხსენით ბავშვს, რა დანიშნულება აქვს სხვადასხვა სათამაშოს და როგორ შეიძლება გამოიყენოს. ეცადეთ, დაეხმაროთ მას თამაშის გამრავალფეროვნებაში. მაგალითად, თუ მოსწონს სათამაშო მატარებელი, დაეხმარეთ გვირაბების აგებაში, ქალაქის მოწყობაში (სადაც სათამაშო სახლებს და ეზოებს ჩადგამთ), მოიფიქრეთ და აუხსენით მარტივი სცენარები.

7. **რომელია ზედმეტი?** - აჩვენეთ სხვადასხვა ობიექტების სურათები და ჰკითხეთ, რომელია ზედმეტი და რატომ?



8. **როდესაც გაიგონებ სიტყვას, დაუკარი ტაში** - ბავშვს ეუბნებით: "ტაში დაუკარი, როდესაც გაიგებ:



ცხოველის სახელს - თუთიყუში, მტრედი, თაგვი...



ხილის სახელს - პური, კიტრი, მსხალი...

ასევე შეგიძლიათ, აჩვენოთ სურათები და **სთხოვოთ, კატეგორიის მიხედვით გადაარჩიოს ისინი**: "რომელია ცხოველი?"

9. **არის თუ არა ერთი და იგივე?**

წაუკითხეთ ბავშვს ორი ისეთი წინადადება, რომლებიც განსხვავებული წყობის გამო განსხვავებულ შინაარსს ატარებენ; შემდეგ კი სთხოვეთ, გიჩვენოთ, მაგალითად, სურათი, სადაც: 1. ბიჭი მისდევს ძაღლს. 2. ძაღლი მისდევს ბიჭს.

ან, ჰკითხეთ: არის თუ არა ერთი და იგივე შემდეგი წინადადებები:

1. საჭმელს იკეთებს; 2. საჭმელს უკეთებს

10. **გამოტოვებული სიტყვები** - მიაწოდეთ ბავშვს წინადადებები, გამოტოვებულ კავშირები (**რადგან, თუმცა, ამიტომ...**) და ჩართული სიტყვები (**მაგალითად, ცხადია, მაშასადამე...**), მიაწოდეთ ალტერნატივები და სთხოვეთ, შეარჩიოს სწორი ვარიანტი.

5.3. რეკომენდაციები პრაგმატული და სოციალურ - კომუნიკაციური უნარების განსაპოტარებლად

ქვემოთ მოცემულია როგორც ზოგადი რეკომენდაციები, ასევე კონკრეტული აქტივობები კომუნიკაციური სფეროს სტიმულირებისთვის.

ზოგადი რჩევები

- ☆ უხმოვანეთ ბავშვს ყველაფერი, რაც ეხება ემოციებს ან მიმართვის ზრდილობიან ფორმას. მაგალითად, "მამამ დღეს ბევრი იმუშავა და ახლა ძალიან დაღლილია. ნახე, გადაღლილი სახე აქვს"
- ☆ ასწავლეთ სიტუაციის შესაფერისი ლექსიკის გამოყენება. მაგალითად, ნაცვლად მოთხოვნისა "ნაყინი შინდა!", ასწავლეთ ზრდილობიანი ფორმა "თუ შეიძლება, ნაყინი მომეცით". ან, "თუ წვენი არ გინდა, უთხარი ანას - არა, მადლობა"
- ☆ ემოციების გამოხატვის დროს, აჩვენეთ ბავშვს სხვადასხვა მიმიკები და აუხსენით, რა ემოციას გამოხატავს იგი
- ☆ მოუყევით სხვადასხვა ამბები, სადაც აქცენტი გაკეთდება თქვენს გრძნობებზე და პრობლემის გადაჭრის გზებზე.
- ☆ გამოიყენეთ ფესტები და გაახმოვანეთ
- ☆ ჩართეთ ბავშვთან თამაშში სხვა ადამიანები (დედმამიშვილები, მამა, თანატოლები...). ეცადეთ, თამაშის პროცესში ყურადღება გაამახვილოთ ჭერის დაცვასა და დალოდების მნიშვნელობაზე. მაგალითად, მშვიდად შეახსენეთ ბავშვს: "ახლა მამას ჭერია, ისროლოს ბურთი"
- ☆ მიეცით ბავშვს საშუალება, შეარჩიოს სასაუბრო თემა. შემდეგ კი აკონტროლეთ, რომ გარკვეული დროის მანძილზე თემა შენარჩუნდეს. მაგალითად, "ჩვენ ხომ სკოლის ამბებზე ვსაუბრობდით?! მოდი, გავაგრძელოთ"

ახლა კი მშობელი გაეცნობა კონკრეტულ აქტივობებს:



1. **როლური თამაშები:** ითამაშეთ ბავშვთან ერთად "დედაშვილობანა", "ექიმობანა", "გამყიდველობანა" და სხვ. ასეთი ტიპის თამაშები ბავშვისგან მოითხოვს სცენარის აგებას, ამბის გადმოცემასა და აქტივობების დაგეგმვას. გარდა ამისა, ამ გზით ბავშვს ეხმარებით სხვისი ემოციების გაგება-დასახელებაში და სოციალური წესების ათვისებაში. თამაშის დროს, დასვით შემდეგი ტიპის შეკითხვები: "რა უნდა გავაკეთოთ ამის შემდეგ?"; "ამას რატომ აკეთებ? (მაგ.: რატომ აცვამ? რომ არ შესცივდეს?); "რატომ ტირის შენი თოჯინა? ეწყინა, რომ ეჩხუბე?"; "კანფეტი რომ მიეცი, როგორ ხასიათზეა? გახარებულია?"; "რატომ მიიყვანე ექიმთან?"...



2. **წარმოსახვითი თამაშები** - სათამაშოებით გაათამაშეთ სხვადასხვა ტიპის სცენები, სადაც ბავშვმა უნდა აირჩიოს კომუნიკაციის სწორი ფორმა. მაგალითისთვის, ასწავლეთ, როგორ ესალმებიან მასწავლებელს კლასში; როგორ ითხოვოს სასურველი სათამაშო ან გაამხნევოს ატირებული მეგობარი. ("შესმის შენი"; "შენ გვერდით ვარ").



3. ბარათების გამოყენება სახის გამო-
მეტყველების ასახსნელად შეგიძლიათ გა-
მოიყენოთ ემოციების ამსახველი სხვადა-
სხვა ბარათები. ჰკითხეთ ბავშვს: „როგორ
ხასიათდება ეს გოგო?"; ან „რომელია მოწყენილი?". ემო-
ციების სწავლების შემდეგ, გაართულეთ დავალება და
სთხოვეთ, მოიფიქროს, რატომ შეიძლება იყოს სურათზე
გამოხატული ბიჭი გაოცებული, გახარებული ან ნაწყენი.
(თავდაპირველად, აქცენტი გააკეთეთ ძირითად ემო-
ციებზე, შემდეგ კი ნელ-ნელა დაუმატეთ სახის ახალი
გამომეტყველებები).

4. პრობლემის გადაჭრის გზების ძიება ბარათების და თამაშების გამოყენებით

აჩვენეთ ბავშვს სურათები, სადაც ნაჩვენებია სოციალური
სიტუაციები და პრობლემის გადაჭრის გზები;



„ბიჭს სურს ჩაის დალევა. მაგ-
რამ, რას აკეთებს? თავის ჭარს
ელოდება".




„გოგონას შია. როგორ უნდა
უთხრას მეგობარს?"

თანდათანობით, შეგიძლიათ უფრო გაართულოთ სიტუა-
ციები.

5.4. ფონოლოგიური ცოდნის, წერისა და კითხვის უნარების განმავითარებელი აქტივობები

ენისა და მეტყველების დარღვევის მქონე ბავშვებს ხში-
რად აქვთ წერა-კითხვის ათვისების სირთულეები; ამის
მიზეზი კი, რიგ შემთხვევებში, ფონოლოგიური ცოდ-
ნის დეფიციტია; ქვემოთ მოცემულია სტრატეგიები, თუ
როგორ შეიძლება დაეხმაროს მშობელი ბავშვს ფონო-
ლოგიური სინთეზისა (მარცვლებისა და ბგერების გაერ-
თიანება სიტყვაში) და ანალიზის (სიტყვაში ბგერებისა
და მარცვლების გამოყოფა) უნარების განვითარებაში.
ამასთან, აღწერილი იქნება ეფექტური სტრატეგიები წერა-
კითხვის ასათვისებლად.



1. **რომელია პირველი ბგერა?** - აჩვენეთ ბავშვს სხვადასხვა ობიექტების სურათები და ჰკითხეთ, რა ბგერით იწყება. მაგალითად, აჩვენეთ თაგვის სურათი, სთხოვეთ, გითხრათ, რომელია პირველი ბგერა. თუ ვერ გასაუბოთ, თავად წარმოთქვით სიტყვა და მკაფიოდ გამოთქვით პირველი ბგერა - "თ" -შეყოვნდით და განაგრძეთ - "აგვი".



2. **დამარცვლა** სთხოვეთ ბავშვს, ტაში დაუკრას იმდენჯერ, რამდენი მარცვალიც არის სიტყვაში. მაგალითად, "სკა-მი" (ტაში დაუკრას ორჯერ);



3. **რა სიტყვა გამოვიდა?** - უთხარით სიტყვა წამლერებით ისე, რომ ბგერებს შორის გააკეთოთ პაუზა. მაგალითად: "ბ უ", რა გამოვიდა? ან, უთხარით სიტყვა დამარცვლით და ბავშვმა უნდა გამოიცნოს, რა უთხარით.

დაიწყეთ 2-3 ბგერიანი სიტყვებითა თუ მარცვლებით და ნელ-ნელა გაზარდეთ რაოდენობა.

რა გამოვა, თუ:

4. დაუსახელეთ ბავშვს სიტყვა, მაგალითად, "ვაშლი" და სთხოვეთ, მოაკლოს ბოლო

მარცვალი "ლი". **რა გამოვა?** ან დაამატოს სიტყვას "თხა" მარცვალი "გა", რა გამოვა?

ბ

5. **სიტყვობანა** - სთხოვეთ ბავშვს, ჩამოთვალოს კონკრეტულ ბგერაზე (მაგ."ბ"-ზე) დაწყებული სიტყვები. ამ თამაშში მონაწილეობა თავადაც მიიღეთ და ეცადეთ, სახალისო შეჯიბრად აქციოთ.

6. **ჟღერადობით მსგავსი სიტყვების გარჩევა** - დაუსახელეთ ბავშვს ჟღერადობით მსგავსი სიტყვები და სთხოვეთ, გითხრათ, ერთი და იგივე სიტყვებს ამბობთ თუ არა. მაგალითად:

"ქალი-ქარი; ბალი-ბარი; თაგვი-თახვი" და ა.შ.




თუ ბავშვი კითხვას სწავლობს, დახმარების მიზნით შეგიძლიათ შემდეგი აქტივობების განხორციელება:

7. **გამოჭერთ ან გამოძერწეთ ასოები** - ამის შემდეგ, აჩვენეთ ბავშვს ბარათი, სადაც დახატულია რაიმე ობიექტი შესაბამისი წარწერით (მაგ. კატის სურათს გვერდით აქვს წარწერა “კატა”); ამის შემდეგ, უთხარით მას: “შეხედე, აქ როგორ წერია? ჩვენც ზუსტად ასე ავაწყოთ ასოები; ეს რა ასოა? თ? აბა, ვიპოვოთ..”; თანმიმდევრობით პოულობთ ასოებს და აწყოთ სიტყვას;



8. **დადეთ ბავშვის წინ ცხოველების, ფრინველებისა თუ საყოფაცხოვრებო ნივთების სურათები** (დაიწყეთ 3-4 ბარათით); მაგიდაზე განალაგეთ ასევე გამოჭრილი ასოებიც. შემდეგ კი, სთხოვეთ, იპოვოს ის ასოები, რითიც იწყება სურათზე გამოსახული ობიექტების სახელწოდებები; ამგვარად, ბავშვის ამოცანაა, იპოვოს, მაგალითად, ასო “მ” და დადოს მაიმუნის სურათთან; ან იპოვოს “დ” და განათავსოს დათვის ბარათთან



9. **მიეცით ბავშვს ობიექტების სურათები შესაბამისი წარწერებით და ჰკითხეთ, არის თუ არა დაწერილი, მაგალითად, ასო “ზ”**; თანდათანობით გაართულებთ დავალებას - აჩვენეთ წარწერიანი ბარათი (სურათის გარეშე) და სთხოვეთ გითხრათ, ეწერა თუ არა ბარათზე კონკრეტული ასო;

10. **დააწყვეთ ბავშვის წინ გამოჭრილი ასოები და სთხოვეთ, იპოვოს რომელიმე ასო**;

11. **დაალაგეთ გამოჭრილი (ან დაწერილი) სიტყვები იმგვარად, რომ მასში იკითხებოდეს სიტყვები**. სთხოვეთ ბავშვს, იპოვოს ეს სიტყვები; მაგალითად:



12. **დაალაგეთ ბავშვის წინ ბარათები, სადაც დაწერილია სხვადასხვა მარცვლები**; ბავშვმა უნდა გააერთიანოს მარცვლები იმგვარად, რომ მიიღოს სიტყვა.

ქოლ	ლო	გა	მი	ბა	დი
-----	----	----	----	----	----

13. **მიეცით ბარათებზე დაწერილი ასოები და სთხოვეთ, მათი გამოყენებით შეადგინოს სიტყვა**. თავდაპირველად, მიეცით ერთი სიტყვის შემადგენელი ასოები;

თანდათანობით შეგიძლიათ გაართულოთ დავალება და სთხოვოთ, მიწოდებული ასოებით შეადგინოს რაც შეიძლება მეტი სიტყვა. საჭიროების შემთხვევაში, მიეცით მინიშნებები.

თ ა ხ ი

14. უთხარით ბავშვს სიტყვა და სთხოვეთ, გითხრათ, **რომელია**, მაგალითად, **მეორე ან ბოლო ასო**. თუ ვერ გასაუხობთ, აჩვენეთ დაწერილი სიტყვა და სთხოვეთ, გადათვალოს.

15. უთხარით სიტყვა და **სთხოვეთ, გამოიგნოს, რომელი ბგერა აკლია**. თუ ვერ გასაუხობთ, შეგიძლიათ დაუწეროთ და ამგვარად აჩვენოთ.

ასოების წერის სწავლების მიზნით კი, შეგიძლიათ შემდეგი აქტივობების დაგეგმვა:

16. სახატავ ფურცელზე **დახატეთ და გააფერადეთ რაიმე** ფიგურა; შემდეგ კი, გვერდით, წყვეტილი ხაზებით დახაზეთ ის ასო, რომელზეც ფიგურის სახელწოდება იწყება (მაგალითად, დახატეთ სახლი და გვერდით, წყვეტილი ხაზებით - **“ს”**); სთხოვეთ ბავშვს, ფანქრით შეაერთოს წერტილები.

17. **დადეთ მაგიდაზე გამოჭრილი ასო-ბგერა**; დაეხმარეთ ბავშვს, გამოძერწოს იგივე ასო; დროთა განმავლობაში,

გაართულებთ და თვალსაჩინო მასალის გარეშე სთხოვეთ ბავშვს ასოების გამოძერწვა;

18. **ხელის საღებავებით დახატეთ** სხვადასხვა ასოები და სიტყვები;

5.5 მეტყველების გაუმჯობესების სტრატეგიები

ქვემოთ განხილულია, თუ როგორ უნდა დაეხმაროს სახლის პირობებში მშობელი ბავშვს მეტყველების განვითარებაში.

5.5.1 სამეტყველო სუნთქვის მოსაწესრიგებელი აქტივობები

იმის დასადგენად, თუ რის გამო აქვს ბავშვს მეტყველებს პრობლემები, აუცილებელია სპეციალისტის შეფასება. თუ დადგინდა, რომ სირთულეების მიზეზი არასწორი სუნთქვაა, შეგიძლიათ შემდეგი აქტივობების გამოყენება:

ბაფთები და პეპლები - აიღეთ რამდენიმე მკვეთრი ფერის ქალაღი; (სასურველია, ბავშვიც ჩართოთ საქმიანობაში); თქვენი სურვილის მიხედვით გამოჭერით ბაფთები ან პეპლები და მიამაგრეთ ფერად ძაფებზე. დაამაგრეთ ძაფზე დაკიდებული ბაფთები ჯოხზე, გარკვეული დისტანციის დაცვით; ჯოხი კი დაამაგრეთ ან დაიჭირეთ ისე, რომ ბაფთები ეკიდოს ბავშვის სახის სიმაღლეზე. ბავშვმა უნდა ჩაჰბეროს და ბაფთები ააცეკვოს;



გაბეროს ბუშტი, დაჩუტოს შემდეგ ისევ გაბეროს. სთხოვეთ, გაიმეოროს რამდენჯერმე!

გაბერილ ბუშტს მოუკარით თავი, ააგდეთ ზემოთ და ქვემოდან შებერვით ეცადოს, რაც შეიძლება დიდხანს შეინარჩუნოს ბუშტი

ჰაერში.

ნახევრამდე გაუვსეთ ჭიქა წყლით; მიეცით კოქტეილის ჩხირი და ჩაბეროს;

საპნის ბუშტები - სთხოვეთ, ღრმად ჩაისუნთქოს და ერთი ძლიერი ამოსუნთქვით შეუბეროს საპნიან რგოლს. შემდეგ ჩაისუნთქოს და ნელი და ხანგრძლივი ამოსუნთქვით შეუბეროს რგოლს, გამოვა ერთი დიდი ბუშტი და ასე მორიგეობით, ხან ბევრი ბუშტები გამოუშვას, ხან ცოტა.

სასტვენნი და ჩასაბერი სათამაშოები, ასევე, შეგიძლიათ გამოიყენოთ აქტიურად.

5.5.2. სამედიცინო ორგანოების გასავარჯიშებელი აქტივობები

საარტიკულაციო ორგანოების გასავარჯიშებლად ეფექტურია შემდეგი აქტივობები (ჯერ თქვენ გააკეთეთ და ბავშვს სთხოვეთ, გაიმეოროს): გახსოვდეთ, რომ ეს ვარჯიშები სიფრთხილით უნდა შესრულდეს

ღეჭვა - გააკეთეთ ღეჭვის იმიტაცია და სთხოვეთ

ბავშვს, გაიმეოროს იგივე (დაახლოებით, 8-10ჯერ)

მოკუმული ბაგეები - მოკუმული ბაგეები აზიდეთ ჯერ ზემოთ (ცხვირისკენ), ხოლო შემდეგ ქვემოთ, ნიკაპისკენ (8-10ჯერ)

მოკუმული ბაგეები დაატრიალეთ წრიული მოძრაობებით (მარჯვნიდან მარცხნისაკენ და პირიქით)

გააღეთ პირი; შემდეგ კი ამოძრავეთ ქვედა წრიული მოძრაობებით

გააღეთ პირი და ქვედა ყბა ამოძრავეთ მარჯვნიდან მარცხნისაკენ და პირიქით

შეასრულეთ წრიული მოძრაობები კბილებსა და ბაგეებს შორის ენით; ჯერ მარჯვნიდან მარცხნივ და შემდეგ - პირიქით

წაწვეტებული ენის წვერით "დაჩხვლიტეთ" ლოყები შიგნიდან; მარჯვენა და მარცხენა თანმიმდევრობით

ლოყიდან ლოყაში გადაადგდეთ დაგუბებული ჰაერი (ვარჯიში სრულდება თითო-თითოჯერ ან ორ-ორჯერ)

მოლუნეთ ენა და წვერით შეეხეთ რბილ სასას; შემდეგ დააბრუნეთ უკან

პირის გარეთ გამოყოფილი ენა მორიგეობით ამოძრავეთ მარჯვნივ-მარცხნივ

სახის კუნთების გასავარჯიშებლად, გაზიდეთ სახის კუნთები განზე ისე, რომ ღიმის იმიტაცია გამოვიდეს

გაზიდეთ სახის კუნთები წინ და შეჭმუხნეთ ისე, რომ გაბრაზებული გამომეტყველება მიიღოს. (მ.ბერიკაშვილი;2017)

5.5.3. რეკომენდაციები ბგერათნარმოთქმის ბასაუმჯობესებლად

ბგერათნარმოთქმის დარღვევის დროს, ვერ ხერხდება სამეტყველო აპარატისთვის სწორი პოზის მინიჭება. შესაბამისად, იცვლება ჟღერადობა. იმისათვის, რომ ბავშვმა სწორად იმეტყველოს, აუცილებელია მას ჰქონდეს კარგი ფონემატური სმენა. ამგვარად, მუშაობა მიმართული უნდა იყოს ორი მიმართულებით: 1. მოსმენილი ბგერების ერთმანეთისგან გარჩევა და მათი გაცნობიერება; 2. სწორი არტიკულაციის სწავლება დაკვირვების გზით.

ამგვარად, სირთულეების აღმოფხვრაზე ორიენტირებული სამოქმედო გეგმა ასეთია:

-  ბავშვს უნდა დაეხმაროთ **ფონემატური სმენის განვითარებაში**;
-  ბავშვი უნდა გრძნობდეს, რომ ბგერა სხვაგვარად უნდა გამოთქვას; თუმცა, არ უთხრათ: “არასწორია”; მხოლოდ, უსწორებთ და აჩვენებთ, როგორ გამოთქვას სიტყვა თუ ბგერა.
-  **სარკის წინ ნელა აჩვენეთ**, რა მოძრაობებს აკეთებთ ბგერის გამოსათქმელად. შემდეგ კი, სთხოვეთ ბავშვს, გაიმეოროს.

5.5.4 რჩევები ენაბოროძიკის დროს

თუ ბავშვს ენის მოქნილობის დარღვევა აქვს, გაითვალისწინეთ შემდეგი:

-  ილაპარაკეთ ნელი და მშვიდი ტონით;
-  ხანდახან **ელაპარაკეთ ბავშვს წამღერებითი ინტონაციით** (ამას სახალისო და დამამშვიდებელი გავლენა ექნება ბავშვზე, რაც დამაბულობას შეუმცირებს მას);
-  **არ მოსთხოვთ ბავშვს** სიტყვებისა და წინადადებების გამეორება;
-  **გააკეთეთ მცირე პაუზა** მას შემდეგ, რაც ბავშვი სათქმელს დაამთავრებს (მაშინვე არ გაუკეთოთ მის ნათქვამს კომენტარი). ამით ბავშვს მისცემთ დასვენების საშუალებას.
-  **ასწავლეთ ბავშვს კონკრეტული სტრატეგიები** (მაგალითად, ღრმად ჩაისუნთქოს, როცა იძაბება; ან ილაპარაკოს ნელა);
-  **თუ ხვდებით, ბავშვი წინასწარ ნერვიულობს** იმაზე, რომ შეიძლება მეტყველების პრობლემები შეექმნას კონკრეტულ სიტუაციაში, უთხარით : “გახსოვს ის სტრატეგიები, რაც ერთად ვისწავლეთ?” ან “გამოიყენე ის ტექნიკები, რაც მეტყველების თერაპევტმა გასწავლა”.

✿ **თუ ხედავთ, რომ ბავშვი დაძაბულია და ენა ებმის**, არ გაუსწოროთ შეცდომა; არ დაუსვათ ისეთი კითხვები, რაც მისგან ბევრ საუბარს მოითხოვს; მაგალითად, ნაცვლად იმისა, ჰკითხოთ, რას მიირთევს სადილად, შეეკითხეთ: “სპაგეტი და წვნიანი გვაქვს; შეჭამ წვნიანს?” (ანუ, დასვით ისეთი კითხვა, რომელზეც პასუხს შესტებითაც გაგცემთ);

✿ ბავშვები ძალიან კარგად გრძნობენ მშობლის დამოკიდებულებებს; ამიტომ, როცა ბავშვი საუბრობს, **ეცადეთ, გქონდეთ მშვიდი და მხარდაჭერის გამომხატველი გამომეტყველება;**

✿ საუბრის დროს, **არ უთხრათ ბავშვს ისეთი სიტყვები, როგორიცაა** “დამშვიდდი” ან “დაფიქრდი, სანამ დაიწყებ ლაპარაკს”; უბრალოდ , როცა ატყობთ, რომ მეტყველება მოუქნელი ხდება, გააკეთეთ სუნთქვითი ვარჯიში - ღრმად ჩაისუნთქეთ მასთან ერთად და ამოისუნთქეთ (რამდენჯერმე); შემდეგ კი, გაუღიმეთ;

✿ **აუცილებლად აღნიშნეთ, როცა** ბავშვი გამართულად და გააგებად ჩამოაყალიბებს აზრს: “მომეწონა, როგორც ჩამოაყალიბე შენი სათქმელი”;

✿ **ეცადეთ, არ შეუქმნათ ბავშვს ისეთი სიტუაციები, სადაც ინერვიულებს**, რადგან ეს მეტყველებაზე აისახება უარყოფითად. არ დაუსვათ ძალიან ბევრი კითხვა დროის მცირე მონაკვეთში;

✿ არ აარიდოთ თავი ამ პრობლემის განხილვას ბავშვთან ერთად. იგნორირება გამოსავალი არ არის! ბავშვს აწუხებს თავისი მდგომარეობა და ის ფაქტი, რომ თანატოლებივით მოქნილად ვერ ლაპარაკობს. თუ ბავშვი დაცინვის ობიექტი გახდება, არ უთხრათ მას შემდეგი ფრაზა: “ნუ დარდობ”; უთხარით, რომ ძალიან ცუდია, ეს რომ მოხდა და დაიწყეთ მასთან ერთად გამკლავების გზების ძიება;

✿ **ელაპარაკეთ ბავშვს მის ძლიერ მხარეებზე.** ყურადღება გაუმახვილეთ იმაზე, რაც კარგად გამოსდის;

დანართი №1

ასაკი	რეკომპტული ენა	ექსპრესიული ენა და მეტყველება	სოციალური უნარები (კომუნიკაცია)
პირველი თვე	ხმამალალ სიგნალებზე საპასუხოდ კრთება; ხმის გაგონებაზე, ატრიალებს თავს მოსაუბრისკენ; ჩუმდება, როცა ესაუბრებიან	როცა რაიმე სურს, ინყებს ტირილს.	გარშემოშეყოფებს უყურებს სახეზე; თვალს აყოლებს მოძრავი ადამიანის სახეს.
1-3 თვე	ხმის (ან ხმაურის) გაგონებისას ჩუმდება;	ინყებს ცალკეული ბგერების წარმოთქმასა და ლულუნს; როცა ესაუბრებიან, გამოსცემს ხმებს; სხვადასხვაგვარად ტირის ბრაზის, შიშის თუ სხვა ტიპის დისკომფორტის დროს;	მოსაუბრეს უღიმის; თვალს აყოლებს ადამიანის მოძრაობას;
4-5 თვე	პირდაპირ უყურებს მოსაუბრეს; ეძებს ხმის წყაროს; ყურადღებას აქცევს ხმოვან სათამაშოებს.	ლულუნით "საუბრობს"; ხმის ტემბრი იმატებს.	ხალისიანად უღიმის ადამიანებს; მხრუწველებსა და უცხო ადამიანებზე სხვადასხვაგვარად რეაგირებს.
6-8 თვე	ცნობს სახელს; დამშვიდობების ან მისალმების მიზნით იყენებს ჟესტებს; სიტყვების - „დედა“ ან „მამა“-ს გაგონებისას, თავს ატრიალებს მშობლისკენ	ტიტინის დროს იყენებს უფრო მეტ თანხმობას; ბაძვას პირის მოძრაობებს და ცდილობს, სიტყვა უღერადობით მიამსგავსოს გაგონილს; როცა ესაუბრებიან, საპასუხოდ გამოსცემს ხმებს;	შფოთავს უცხო პირებთან; ცდილობს, აყვას მფლოდიას; თამაშობს სათამაშოებით; შეუძლია სათამაშოს გამიარება, მაგ. უკორებს ბურთს სხვა ადამიანს.

ასაკი	რეკომპტული ენა	ექსპრესიული ენა და მეტყველება	სოციალური უნარები (კომუნიკაცია)
9-11 თვე	იგებს "არა"-ს მნიშვნელობას; ოჯახის წევრის სახელის ხსენებისას, იხედება მისკენ; თავს აბრუნებს სახელის დაძახებისას; იყურებს დასახელებული ობიექტის მიმართულებით;	თითს იმეფრს მისთვის საინტერესო საგნისკენ; მიზანმიმართულად იყენებს ერთ ან ორმარცვლიან სიტყვებს.	თამაშობს "ჭიტა"-ს; დამშვიდობების ნიშნად, ხელს უწევს ადამიანებს.
12-14 თვე	ასრულებს მარტივ ინსტრუქციებს, მაგალითად, "გამოშიგორე ბურთი" ან "მოშალოდე ფეხსაცმელი"; შეუძლია იპოვოს დასახელებული საგანი; ესმის ყოველდღიური საგნების აღმნიშვნელი სიტყვები;	მიუთითებს სასურველ ობიექტზე; იმეორებს სიტყვებს; იყენებს 3-დან 20-მდე ცალკეულ სიტყვას, უმეტესწილად ხმოვან სიგნალებს (უხ, ვახ), ცხოველთა სახელებსა (მაგ. "კატა", "ძაღვი") და ცხოველთა ხმებს (მიაუ);	აქტიურად ბაძავს სახეებს; თვალში უყურებს მოსაუბრეს.
15-18 თვე	ესმის ისეთი თანდებულების მნიშვნელობა, როგორიცაა „ში“ და „ზე“, მიუთითებს სახელის ერთ ან ორ ნაწილზე (მაგ. მაჩვენე ცხვირი); უფრო მეტი სიტყვა ესმის, ვიდრე ამბობს.	იზრდება სიტყვათა მარაგი; იყენებს თავის სიტყვებს (მაგ. „ბაჩი“ ფეხსაცმლის ნაცვლად); ჯერაც ვერ ახერხებს კატეგორიზაციას; მაგალითად ყველა ცხოველს ეძახის კატას; ამოვანებს გარემოს (მაგალითად, ამბობს -"ლულ"-ს მანქანის დანახვისას);	დავალების წარმატებით შესრულების შემთხვევაში იღიმის; მიუხედავად აკრძალვისა, ჭიუტად აგრძელებს ქმედებას.
18-24 თვე	შეუძლია მიუთითოს სახელის 4-5 ნაწილზე; ესმის 300-მდე სიტყვის მნიშვნელობა; ასრულებს ორსაფეხურიან ინსტრუქციებს (მაგ. "აიღე ჭიქა და მიუტანე ბებოს");	წარმოთქვამს 50-მდე სიტყვას; წარმოთქვამს 2 სიტყვიან ფრაზებს;	ინყებს იმიტაციურ თამაშებს (მაგ. ვითომ ტელეფონზე საუბრობს, ბავშვს აჭმევს და ა.შ.)

ასაკი	რეცეპტული ენა	ექსპრესიული ენა და მეტყველება	სოციალური უნარები (კომუნიკაცია)
2-2.5 წელი	ესმის ცნებები "ერთი-ყველა"; "დიდი-პატარა"; ესმის 500-მდე სიტყვის მნიშვნელობა	წარმოთქვამს 200-მდე სიტყვას; იმყვებს ისეთ კიტხვებზე პასუხის გაცემას, როგორცაა „რა“ და „სად“; იწყებს მრავლობითი რიცხვის გამოყენებას მეტყველება უფრო მეტად ხდება გასაგები უცხოთათვის; იყენებს კუთვნილებით ნაცვალსახელებს.	ითხოვს დახმარებას კბილების გახეხვასთან და ტუალეტის ჩვევებთან დაკავშირებით; უფროსთან ერთად ღიღინებს ნაცნობ სიმღერებს.
2.5-3 წელი	ესმის 900-მდე სიტყვის მნიშვნელობა; ნაცნობი საგნის დანიშნულების აღწერისას მოუთითებს საგანზე (მაგ. სად ვინახავთ საჭმელს? ბავშვი მოუთითებს მაცივარზე)	წარმოთქვამს 500-მდე სიტყვას; იყენებს პირის ნაცვალსახელებს (ის, ისინი...) შეუძლია უარყოფითი ფორმის გამოყენება (მაგ. მამა არ არის);	იწყებს ამბის მოყოლას, მაგალითად, რას აკეთებდა ბაბი;
3-3.5 წელი	ესმის 1,200-მდე სიტყვის მნიშვნელობა; ასრულებს ორ დაუკავშირებელ ინსტრუქციას (ნიგნი დადე თაროზე და შემდეგ ფეხსაცმელი მოიტანე)	წარმოთქვამს 800- მდე სიტყვას; შეპირად ითვლის 5-მდე ასახელებს; ძირითად ფერებს; იყენებს წარსულ დროს; პასუხობს ისეთ მარტივ კითხვებს, როგორიცაა "რა", "ი", "ვინ", "რატომ", "როგორ", "რამდენი"?	იწყებს სხვა ბავშვებთან რთულ ინტერაქციას, როგორიცაა მაგალითად, სახლობანას თამაშის დროს როლების გადახანჩილება
3.5-4 წელი	ესმის 1,500-2,000-მდე სიტყვის მნიშვნელობა; ასრულებს სამ საფეხურიან ინსტრუქციებს	შეუძლია დათვალის 5 საგანი; ამბობს საკუთარ სახელსა და გვარს; არტიკულაცია ხდება უფრო მკაფიო და მეტად გასაგებია უცხოთათვის; შეუძლია ჩვეული საგნების დანიშნულების ახსნა,	ანყოფს საგნებს კატეგორიების მიხედვით, თუმცა არ შეუძლია კატეგორიის დასახელება (მაგ. ეს ყველა ცხოველია); არასწორ ინფორმაციას აპროტესტებს სიტყვიერად (მაგ. ცა არ არის წითელი!); შეუძლია როლური თამაშების ორგანიზება (მაგ. დედა-შვილობა);

ასაკი	რეცეპტული ენა	ექსპრესიული ენა და მეტყველება	სოციალური უნარები (კომუნიკაცია)
4-5 წელი	ესმის 2,000 - 2,800-მდე სიტყვის მნიშვნელობა იცის მძიმე/მსუბუქი, მძიმე/რბილის მნიშვნელობები	წარმოთქვამს 1,500-2,000-მდე სიტყვას; უჭირს ისეთი სიტყვების წარმოთქმა სადაც თანხმოვნები მიყოლებითაა წარმოდგენილი (მაგ. სიტყვა „მანქანის“; ნაცვალად „მანქანა“); ყვება ამბებს სურათების გარეშე; ადგენს რთულ წინადადებებს (მაგ. "წავედით მალაზიაში და ვიყიდეთ პური"); იყენებს ისეთ სიტყვებს, როგორცაა "გემოთ/ქვემოთ, ზედ/ქვეშ"; ხანდახან ტოვებს ან ანაცვლებს თანხმოვნებს; ხშირად იყენებს კუთვნილებით ფორმებს; უშეტესნილად, ახლობლებისთვის გასაგებად საუბრობს	საუბრობს ხაკუთარ გრძნობებზე; იყენებს ისეთ ფრაზებს, რაც ხშირად ესმის - მაგ. "თავი დამანებე"; შეუძლია სიუეტურ სურათზე ასახული ამბის გაგება; ესმის წელიწადის დროების მნიშვნელობა და შეუძლია თქვას თუ რა ხდება თითოეულ პერიოდში; შეუძლია მოკლე ისტორიის მოსმენა და ამბავზე დაყრდნობით კითხვებზე პასუხის გაცემა; სხვადასხვა მოვლენების მიზეზების გასაგებად, ხშირად სვამენ კითხვას "რატომ"?
5-7 წელი	თითქმის ყველა გაგონილი სიტყვის მნიშვნელობა ესმით; ესმით ისეთი ცნებები როგორიცაა "მეტი/ნაკლები, გუმინ/ხვად, უფრო ცოტა/უფრო მეტი"	ითვლის 20 საგანს; შეუძლია კვირის დღეების თანმიმდევრობით წამოთვლა; იცის, როდის აქვს დაბადების დღე; სწორად იყენებს ნაცვალსახელებს; შეუძლია საგნებს შორის განსხვავებებისა და მსგავსებების დადგენა.	ამბობს და ესმის მარტივი ხუმრობები; დარტყმის მაგიერად, შეუძლია გაბრაზება გამოხატოს სიტყვით; დაინტერესებულია სწავლითა და კითხვით და სურს, ვარგი შედეგები ქაონდეს.

დანართი №1

ასაკი	იმპრესიული ენა	ექსპრესიული ენა და მტკიცებულება	სოციალური უნარები
ადრეულ ასაკში (4 თვემდე)	თითქმის, ვერ ამჩნევს ხმებს	როცა რაიმე სურს, ინწყებს ტირილს.	გარშემოშეყოფებს ყურადღებას არ აქცევს
6 თვემდე	ვერ ხედვს, საიდან მოდის ხმა	არ დაუწყია ლუღუნო	არ უღიწის სხვა ადამიანებს ან არ ცდილობს მათთან ურთიერთობას; არ ამყარებს თვალთ კონტაქტს;
9 თვემდე	არ რეაგირებს სოციალურ ინტერაქციაზე	არ ტიტიტებს (არ გამოსცემს თანხმობის შემსუვებელ ბგერებს);	როცა ეთამაშებიან, არ ლუღუნებს და არ ტიტიტებს; არ იშვიათად ამყარებს თვალთ კონტაქტს
12 თვემდე	როცა სთხოვენ, არ უნძირებს სხვას სათამაშოს; არ რეაგირებს სახელზე; არ იცქირება მშობლის მიმართულებით "მამა"-ს ან "დედა"-ს გაკონფიისას;	ჩვიდლის ხმოვანი და ჯესტური სიგნალები მნიშვნელოვანია არ ცდილობს ნაცნობი ხმოვანი სიგნალებისა და მოქმედებების იმიტაციას	არ თამაშობს სათამაშოებით მიუთითებს მხოლოდ იმ საგნებისკენ რაც სჭირდება ან უნდა, არ ავლენს ინტერესს სხვა საგნების მიმართ მარტივად ბრძანდება ისეთ სმოვან სიგნალებზე, რაც სხვას არ გააღიზიანებდა
18 თვემდე	ესმის 50 სიტყვაზე ნაკლები	მარმოთქვამს ძალიან ცოტა სიტყვას	არ იცქირება მშობლის მიუთითების მიმართულებით არ თამაშობს "ჭიტას";
2 წლამდე	ვერ იცნობს, რას ეუბნებიან; არ იცის სხეულის ნაწილები;	არ იყენებს ორსიტყვიან წინადადებებს; კომუნიკაციისთვის ძირითადად იყენებს ჯესტებს; სიტუაციასთან შეუსაბამოდ იმჟღერებს ფრაზებს.	თანატოლებთან შედარებით, ნაკლებად ითხოვს სხვებთან ურთიერთობას;
3 წლამდე	ვი და არა პასუხის შესაბამისად არ აქნევს თავს შესაბამისი მიმართულებით	ბავშვს არ შეუძლია სიტყვების გადამხა წინადადების ასაგებად არ ითხოვს მოსაუბრისგან პასუხს არ სვამს კითხვებს ხშირად ღიზიანდება, როცა სათქმელს ვერ გაიგებდა.	

ასაკი	იმპრესიული ენა	ექსპრესიული ენა და მტკიცებულება	სოციალური უნარები
4 წლამდე	ბავშვს არ ესმის დიდი-პატარას, ყველა-ერთის მნიშვნელობა არ ასრულებს ორსაფეხურიან მითითებებს	არ პასუხობს რა და სად კითხვებს უცხოებს არ ესმით მისი საუბრის მნიშვნელობა უჭირს აზრის გამოხატვა საუბრობს მხოლოდ ერთ თემაზე	არ თამაშობს თანატოლებთან კომუნიკაციისას არ ელოდება თავის ჭერს
5 წლამდე		ურევს თანხმობის უჭირს კომუნიკაცია თანატოლებთან არ ითვლის ხუთამდე არ ასახელებს ძირითად ფერებს არ პასუხობს მარტივ კითხვებს (რა, სად, როდის, რატომ, როგორ, რამდენი?)	არ უწიარებს სათამაშოებს სხვებს არ იყენებს ენას სოციალური ინტერაქციისთვის
7 წლამდე	ბავშვს არ ესმის ზემოთ-ქვემოთ სიტყვების მნიშვნელობა	არ ესმის მოქმედებების თანმიმდევრობა ვერ ყვება ნაცნობ ამბებს სურათზე დაყრდნობით; ოჯახის წევრებსა და უცხოებს არ ესმით მისი ნათქვამი	

ტერმინთა განმარტება

აუდიოლოგი - სპეციალისტი, რომელიც სვამს დიაგნოზს და მკურნალობს სმენასთან და ბალანსთან დაკავშირებულ პრობლემებს.

არავერბალური მიმანიშნებლები - არამეტყველებითი კომუნიკაციის საშუალება, რომელშიც შედის სხეულის ენა, დისტანცია, ხმისა და შეხების მახასიათებლები.

დასწავლის უნარის დარღვევა - ვლინდება ისეთი უნარების მოუმწიფებლობით, რაც აუცილებელია სასკოლო მასალის ასათვისებლად;

ვესტიბულური შეგრძნებები - იგულისხმება სხეულის წონასწორობისა და მოძრაობების შესახებ ინფორმაცია;

კოგნიტური უნარები - გულისხმობს სხვადასხვა გონებრივი აქტივობის შესრულების უნარს.

კოგნიტურ-ბიჰევიორალური თერაპია - ფსიქიკური ჯანმრთელობის გასაუმჯობესებლად შექმნილი ფსიქო-სოციალური თერაპიის ნაირსახეობა.

კომორბიდობა - ორი ან მეტი დარღვევის ერთდროული თანაარსებობა.

კოხლეარული იმპლანტი - სამედიცინო ელექტრონული მოწყობილობა, რომელიც მაგრდება ოპერაციის მეშვეობით

და დაზიანებული შიდა ყურის ნაცვლად ითავსებს სმენის ფუნქციას.

მედიკამენტოზური მკურნალობა - დაავადების სიმპტომების წამლების მეშვეობით მართვა.

მუტიზმი - მეტყველების შეწყვეტა;

მუშა მეხსიერება - ინფორმაციის ხანმოკლე დროით დამახსოვრება, რადგან ის საჭიროა კონკრეტული მოქმედების დროს, მიზნის მისაღწევად;

ნეიროფსიქოლოგი - არის ფსიქოლოგი, რომელსაც შეუძლია თავის ტვინსა და ქცევას შორის ურთიერთკავშირის დადგენა.

ოკუპაციური თერაპევტი - სპეციალისტი, რომელიც პასუხისმგებელია დაეხმაროს პაციენტებს ყოველდღიური ცხოვრებისთვის საჭირო უნარების აღდგენაში.

ორალურ-მოტორული - სახის კუნთების მოძრაობასთან დაკავშირებული.

ოტოლარინგოლოგი - ექიმი, რომელსაც მიღებული აქვს სპეციალური განათლება ყურის, ცხვირის, ხახისა და ხორხის დაავადებების შესახებ.

სელექციური მუტიზმი - ცალკეულ სიტუაციებში ან კონკრეტულ ადამიანებთან შფოთვითი აშლილობით გამოწვეულ მეტყველების უუნარობას.

სემანტიკური მეხსიერება - მეხსიერების ეს ფორმა ინახავს ინფორმაციას სიტყვების მნიშვნელობების და ცნებების შესახებ;

სენსორული ინტეგრაცია -სენსორული ინტეგრაცია არის ორგანიზმის უნარი, გადაამუშავოს შეგრძნების ორგანოებიდან (მხედველობა, სმენა, ყნოსვა, გემო და შეხება) მიღებული ინფორმაცია. სენსორული ინტეგრაციის დარღვევა ვლინდება მაშინ, როცა ფერხდება ტვინის მიერ შეგრძნებების გაანალიზების, ორგანიზმისა და გარეთიანების (ინტეგრაციის) უნარი.

ფონოლოგიური ანალიზი და სინთეზი - სიტყვაში შემავალი ბგერებისა და მარცვლების დაშლას (ანალიზი) და შემდგომში ბგერების სიტყვებად გაერთიანებას (სინთეზი).

ფსიქოგანათლება - ფსიქიკური ჯანმრთელობისა და დაავადებების შესახებ ინფორმაციის მიწოდების პროცესი.

შფოთვითი აშლილობა - ფსიქიატრიული მდგომარეობა, რომელიც მოიცავს უცარი შიშისა და შფოთვის შეტევებს.

ცენტრალური ნერვული სისტემა - ნერვული სისტემის ნაწილი, რომელიც სხეულის სხვადასხვა ნაწილში პასუხების გაგზავნით უზრუნველყოფს სხეულის ყველა სისტემის ერთობლივ მუშაობას. ეს სისტემა აერთიანებს ზურგს ტვინსა და თავის ტვინს.

ბამოყენებული ლიტერატურა:

- ასმათ ჩხიტუნიძე (2015); GESJ; Education Science and Psychology/No.1 (33);
- მანანა ბერიკაშვილი (2017); სავარჯიშოები მეტყველების ტექნიკის დასაზვეწად; გამომცემლობა "კენტავრი"; თბილისი 2017;
- Early support: helping every child succeed (2005); Information for parents speech and language difficulties ; published by Department of education and skills;
- Beithman J.H and Brownlie E (2012); Language development and its impact on children's Psychosocial and Emotional Development; Encyclopedia on early childhood development;
- The communication trust – every child understood; speech, language and communication: information for managers and school staff (online); available:
https://www.thecommunicationtrust.org.uk/media/13565/managers_pack_final_final_8th_may.pdf
- Parent network and resource center (2015); speech and language difficulties (online); available:
<https://matrixparents.org/wp-content/uploads/2015/03/Speech-Language-3.15.pdf>
- Brunner E.; Willinger U etc. (2003); behavior in children with language development disorders; Can J Psychiatry, vol 48,
- National educational psychological service (2015); activities to develop receptive language and comprehension skills (primary years 7+); NEPS, GPG.
- North Shore Pediatric Therapy; 10 activities to develop expressive language (online); available:
https://nspt4kids.com/parenting/10-activities-develop-expressive-language/?fbclid=IwAR1dLbDNapP5aY4Y_PfxVN5CjbSqcXWZjWmTnmj_QPPk4MwfrIn-qR3N0
- NHS Foundation trust; activities to develop receptive language (online); available:
<https://www.nelft.nhs.uk/download.cfm?doc=docm93jjm4n2450.pdf&ver=3993&fbclid=IwAR11GCcBGmaL2MT95B8zna1ztoGHoKWdPbX122293s0S1adcPiWCT-MZqvtw>

- A. C., R. W., & De, E. C., (n.d.). LANGUAGE DISORDERS: RECOMMENDATIONS FOR IMPROVING TEACHERS. Retrieved from
<https://www.education.udel.edu/wp-content/uploads/2013/01/Language-Disorders.pdf>
- L. M. (2010). Special Education: A Basic Guide for Parents. Retrieved 2018, from
https://www.nasponline.org/Documents/Resources_and_Publications/Handouts/Families_and_Educators/Special_Education_a_Basic_Guide_for_Parents.pdf
- Education.ie. (2018). [online] Available at:
<https://www.education.ie/en/Schools-Colleges/Services/National-Educational-Psychological-Service-NEPS-/NEPS-Guides/Language-Skills/Language-Difficulties>
- Guidance for Teachers and Strategies for In Class-Support-Primary.pdf [Accessed 20 Nov. 2018].
- Feit D. and Feldman H, MD, PhD.(2007) The Parent's Guide to Speech and Language Problems New York, NY, McGraw-Hill.
- Clinical Practice Guideline: Quick Reference Guide. Communication Disorders,
- Assessment and Intervention for Young Children (Age 0-3 Years). 5 1/2" x 8 1/2", 122 pages, 1999. Reprinted 2008, 2009. Publication No. 4219.
- <http://kids.ge/articles>

